

یودا

سورت کیریمن هق توهن
بري يودا تولىس

باب 1 يودا دوق تگور ادیق برادیق دالم فواق المسیح

- 1 اگو يودا، ادیق فد یعقوب، اگو هق جاي همب کرج کا عیسی المسیح، تولىس سورت ني کا اورغ ۲ هق توهن فغکیل ده، بري توروت ني، اورغ ۲ هق دوق دالم لیغکوغن کاسیه توهن، فس دوق فرلیندوغ بالیق عیسی المسیح.
- 2 اگو مینتاء فد توهن بري کسیاغ بلس، سلامت سجهترا دغن کاسیه هق ني، جاي میلیق فواق مو، دغن کهور ۲ فنوه لاکي.

گورو ۲ هق فلسو

- 3 هي ادیق برادیق کو هق اگو کاسیه! دولو، اگو دوق ایغت ۲ نق تولىس سورت کا فواق مو چارا حال جالن سلامت هق کیت سام ۲ توروت. تافي لاني ترفقسا اگو کنا تولىس سورت سلالو، سوروه مو جوگ ۲ کنا لاون، کنا جاگ، روکون ایمان کیت، هق توهن بري کا اورغ ۲ هق جاي میلیق ني، تاء کنا توکر ده.
- 4 سبب اد اورغ ۲ هق چوري ماسوق ده دالم فواق مو. اورغ ۲ ني تاء حرمة کا توهن، ري نق فوتر یلیت فعاجران حال

رحمة توهن تو نق بري فلواغ کا ري تاء تاکوت بوات کا فرکارا
 هق چافوڻ ۲. اورڻ ۲ ني فون بوات درهاک کا عيسى المسيح،
 ري هق کيت فکڻ کات، توان سا، ربي سا، هق لائين تاء ار
 ده. کتاب توهن رويت ده کات، فواق سائي تو دوق باوه
 حکوم توهن ده.

5 سوڻکوه فون، فواق مو تاهوره چارا حال ني، تافي اكونق
 بري مو ايغت فول، کا اورڻ ۲ بڻسا اسرائيل هق بولي ده
 سلامت درفد نكري مصير، تافي لفس تو ار جوگ اورڻ رالم
 فواق تو، هق توهن بري فونه، دغن سابيت ري تيگل
 فرچاي کا توهن.

6 فس ايغتله کا ملايڪه ۲ فول. ري ار کواس بسر سکالي، تافي
 ار هق لڳه باتس، تيگل تمغت هق توهن بري ده کا ري.
 سابيت تو، توهن بوبوه ري رتمغت هابيس ۲ کلف دباوه.
 دسيتو، ري کنا تمت دغن رنتي، هق لکت سلام ۲، دوق
 ننتي هاري هق توهن نق جاتوه حکوم اتس ري.

7 فس ايغتله کا کوت صوبوم دغن کوت گموره فول، سکالي
 دغن بندر ۲ هق دوق دگليواسن تو. انق ۲ بندر تو بوات
 چافوڻ هق لڳه عالء، سروف ملايڪه ۲ سائي، فس ري
 کنا حکوم رافي هق مپالا سعمور، جادي چنتوه چرف کا
 سمو ماڻسي.

8 اورڻ ۲ هق چوري ماسوق سائي فون، سروف تو جوگ. ري ار
 اغن ۲ هق بري ري بوات دوسا هق حيانء کا توبوه ري
 سنديري. ري تولق کا کواس مان ۲ هق توهن لتق، فس ري
 دوق مفهودوه کا ملايڪه ۲ پڻ مليا تو.

9 ميڪائيل، ولو ري جاني کتوا ملايڪه فون، ري تاء براني نق
 مفهودوه کا هيبليس. ايغتله، تکه ميڪائيل دوق بحس دغن
 هيبليس چارا حال سياف ري نق اميق مائيت ني موسي تو،

میکائیل تاء براني نق جاتوه حکوم اتس هیلیس دغن کیچیق
مښهودوه کا دي. دق! دي کیچیق بالس ني: توهنله هق نق
جاتوه حکوم اتس مو!

- 10 تافي اورغ ۲ هق چوري ماسوق ساءني، لاین. بیلا تمو دغن
فرکارا ۲ هق دي تاء ارتي، دي براني سلالو کیچیق هینا.
فرکارا ۲ هق دي بولیه ارتي، یاءیت فرکارا هق توبیت درفد نفسو۲
دي سرورف بناتغ. جادي فرکارا ۲ نیله هق بوات بري فونه کا
توبوه دي. تنتونق تروق کا دي! دي تورو جالن سرورف
11 قابیل دولو. دي کات، دویتله هق مستحق انتوق دي. سابیت
تو، دي سره دیری بوات ساله، سرورف دغن بعالم بوات دولو.
دي درهاک سرورف قرون درهاک دولو، فس سرورف قرون جوگ،
دي نق کنا فونه.
- 12 تکه مو فاکت ماري ماکن دغن ادیق برادیق دالم فواق المسیح
ني، فواق تو ماري دوق مابوق، هابیس مالو. دي جادي سرورف
باتو هق دوق دالم ایر تاء نمفق. دي ایشت کا دیری دي
ساج. دي نمفق سرورف فوکوق هوچن هق دوق سیوف داغین،
تاء جادي هوچن. دي جادي سرورف فوهون بریواه، تافي سمفي
فریاغ فون، دي تاء بریواه. دي سرورف فوهون هق چابوت اکر،
مفسوس ده.
- 13 دي سرورف اومبق ۲ بسر، هق هاپوت کي، هاپوت ماري، فس
هق دي بوات هابیس ۲ مالو تو، جادي سرورف دغن داکي
بیوه هق لکت دفتتي. دي سرورف ایر لیور بوتا هق تورو
دلاغیت سینتر، فس راءیب کي ده. توهن چادغ ده تمفت
کا دي، هابیس ۲ گلف، نق بري دي دوق سعمور.
- 14 حنوخ، هق جادي کنورونن توء ام لافیس یغ کتوجوه، دیاله
هق توهن بري رویت دولو حال ۲ فواق ساءني، کات:
تیغوقله! توهن نق ماري دغن بریيو ۲ ملائیکه دي

- 15 هق سوچي، نق ڪرت سين اتس سما ۽ نسي. ري
نق حڪوم بلاڪ ڪا اورغ ۲ هق درهاڪ دغن ڪران سما هق
ري بوات درهاڪ تو، اتوا فون ڪيچيڪ هينا ڪا توهن!
- 16 اورغ ۲ ني براهي مغيقيق، سوڪ برسوڻوٽ لفس سڪارا ۲، دوق
توروت نفسو دي هق جاهت سعمور. ري ڪيچيڪ بسرڪاڊيري،
فس سوڪ فاءِ وڻ ڪا اورغ لاءِين، انتوق نق بري بوليہ ڪهندي
ري سنديري.
-
- فسنن انتوق اديق براديق دالم فواق المسيح
-
- 17 تافي هي اديق براديق ڪو هق اڪو ڪاسيه! ايغتلہ. هق
صحابہ ۲ عيسى المسيح ربّي ڪيت، بري تاهو ڪا فواق مو دولو
- 18 ڪات، فد ماس نق اخير دنيا ني، نق اد اورغ ماري مڻجيڻ ڪا
فواق مو هق فڳڻ اوڪام قواۃ. اورغ ۲ تو توروت هوا نفسو،
- 19 فس بوات درهاڪ ڪا توهن. فواق تولہ هق بري جادي فڇہ
بلہ دالم ڪلوارڪ المسيح لاني. ري توروت فيڪيران ري سنديري،
سبب روح توهن تاءِ دالم هاتي ري.
- 20 تافي فواق مو هق اڪو ڪاسيه سوڻگوہ، مو ڪنا بينالہ ڊيري مو
اتس فلافيق هق ڪجت، ياءِيت اتس ايمان يڻ سوچي هق مو
دوق فڳڻ تو. بردعاليہ ايڪوت روح توهن فيمفين.
- 21 فس جاگالہ ڊيري مو دالم ليغڪوڻن ڪاسيه هق توهن، سمنتارا
ننتي عيسى المسيح، ربّي ڪيت، هق نق تورون ڪسياغ بلس
ري ڪا فواق مو، دغن بري هيڊوف يڻ ڪڪل.
- 22 فواق مو ڪنا تولوغلہ دغن ڪسياغ بلس، ڪا اورغ ۲ هق دوق شڪ
هاتي، تاءِ تنتوچارا حال ايمان ري، سروف مو تاريخ ري
- 23 توبيت درفد افي، بري ري سلامت. تافي اد اورغ ۲، مو ڪنا
جاگالہ ڊيري مو، تڪہ مو تنجوق ڪسياغ بلس ڪا ري. فڪاين
ري فون چمر، سروف ڪجهاتن ري سيرا توبيت. مو ڪنا

برايڻتله، فس بنجي کا فرکارا ۲ چمر هق ري دوق بوات تو.

دعا فوجي کا توهن

24 فوجيله کا ربي، هق ار کواس جاگ کيت، تاء بري ربه
کران دوسا، هق باواء کيت دغن تاء ار چاچت، تاء ار چدرا،
بري بوليه مشهادف توهن، نق بري بوليه نمفق کمليان ري
دغن سوک کمبيرا.

25 کفد توهن يڻ سا تو، هق بري کيت سلامت کوء جالن عيسى
المسيح، ربي کيت، سوڻ فاتوتله کيت فوجي کا ري، کران
ري يڻ مليا، ري هق مريسته سموا سڙل، فس ري هق ار
کواس هابيس تيڻگي، جق دبلوم ماس ار لاکي، سمفي کا
لاني، فس تروس کي سمفي سلام ۲. امين.